

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669


Capvt IX.

urn:nbn:de:hbz:466:1-15617

Diff. 63. c. 19.

Anastasium : Metropolitano defuncto, cum in locum ejus alius fuerit subrogandus, provinciales Episcopi ad civitatem metropolitanam convenire debebunt ; ut omnium Clericorum atque omnium civium voluntate discussa, ex Presbyteris ejusdem Ecclesie vel ex Diaconibus optimus eligatur. Quod Anastasio agendum præscribebat in Diœcesi Illyriciana, usurpabatur ab Episcopis Gallicani in electione Ravennij Episcopi Arelatenſis ; qui à duodecim Episcopis provinciae secundum desideria cleri, honoratorum, & plebis consecratus est anno quadragesimo quodragesimo nono, ut docet Leo in epistola ad Episcopos Provinciae. Quod fuerat jam decretum in Concilio Chalcedonensi, uti jam observavimus.

XIII. Cùm de nova forma in Occidentem inducta fatis constet, putidum est sequentium Pontificum, qui eam verbis & exemplo firmarunt, Hilari, Gelasij, Symmachii, Hormisdæ, Gregorij magni, & aliorum, ipsiusque Gregorij septimi testimonia referre. Id unum observandum est, ex Carthaginensi Concilio profectum ut vacanti Ecclesiæ Episcopum interventorem seu intercessorem Metropolitanus præficiat, qui civium animos ad concordiam revocet pro eligendo Episcopo, saltem intra annum. Apud Gregorium magnum vocantur Visitatores quibus hæc cura imponitur, quorum frequens mentio in ejus epistolis ; & ante ipsum, in epistola Symmachii Papa ad Cæsarum Arelatensem anno quingentesimo decimo tertio. Munus autem describitur his verbis à Gregorio lib. II. regesti epist. xix. quæ data est ad Benenatum Visitatorem Ecclesiæ Cumanae : *Affiduis adhortationibus clerum plebemque ejusdem Ecclesie admonere te volumus ut remoto studio diversarum partium, uno eodemque consensu talem sibi presidiendum expetant Pontificem qui & tanto ministerio dignus valeat repersiri & à venerandis canonibus nullatenus respiciatur. Qui dum fuerit postulatus, cum solemnitate decreti omnium subscriptionibus roratori & dilectionis tua testimonio literarum ad nos sacrandus occurrat. Quod ultimum maximè congruit cum decreto Symmachii epist. v. cap. vi. Decretum sine Visitatoris praesentia nemo conficiat, cuius testimonio Clericorum ac civium possit unanimitas declarari.*

Vide supra lib. i.
cap. 27. §. 2.Codex can. Eccles.
Alii. c. 74.

CAPVT IX.

Synopsis.

I. Nunc inspicendum est quam rationem in electionibus secuti sint Episcopi Galliarum. Episcopeli gebantur à clero & populo.

II. Discremen tamen erat inter electionem Metropolitanæ & ceterorum Episcoporum. Nam Metropolitanus elgebantur ab Episcopis comprovincialibus, cum consensu cleri & populi. Comprovinciales vero à clero & plebe, cum consensu Metropolitanus.

III. Jus novum à synodis Gallicanis collatum est Regibus, nempe ut eorum assensu requireretur ad electionem Episcopi, que quidem indulgentia non omnino abhorrebat à veterum regularem sensu.

IV. Jus illud Episcoporum libertatis in administratione Ecclesie profiuerunt exissimaru[m] Galli. Tum quoque grati animi significatio hanc cogitationem suggerere potuit. Id etiam profici potuit ex eo quod Episcopi in Regum consilia & regni administrationem adhibiti sunt.

V. Concilium Aurelianense quintum jus illud confirmavit.

VI. Precesserant autem Romanorum Principum exempla ; qui in Ecclesiis insignioribus electionum summam ad se revocaverunt. Quod probatur variis exemplis.

VII. Arcadius tamen Imperator solum consensum adhibuit in electione Joannis Chrysostomi Episcopi Constantinopolitanus.

VIII. Aliquando autem eodem tempore fiebat electio à Principe & Ecclesia. Probatur duobus exemplis valde illustribus.

IX. Gallia exemplum Romane sedis secuta est in concedendo Regibus iure assentiendi electioni, Romanus Episcopus ordinari non poterat donec ejus electione à Principe confirmata fuisse.

X. Constantinus Paganus postea concessit ut absque mora post electionem fieret ordinatio Pontificis. Obnoxii tamen deinceps fueru[nt] examini Exarchorum.

XI. Eo iure nisi sunt Reges Francorum cum bona Episcoporum & populi gratia.

XII. Aliquando electum à populo respuebant.

XIII. Reges enim quandoque assensum illum veriebant in merum imperium, rescriptis videlicet suis episcopatus concedentes, invitis etiam interdum & repugnantiis populis, quod probatur variis exemplis. Id fieri deinceps vetuit Concilium Parisiense tertium.

XIV. Sed hujus prohibitionis rationem non habuit Clotarius Rex, qui postea Emerium sedi Sano[n]ensi prefecit.

XV. Postea se variè habuit negotium istud electionum ; qua aliquando cleri plebisque electione & decreto regio siebant, interdum vero ex mero Principis imperio. Hanc labem reficere conatum est Concilium Parisiense quintum, cuius constitutio modifica ta est à Clotario Rege. Expenditur editum Clotarii.

XVI. Explicantur veteres formule electionum que siebant in palatio cum decreto regio.

XVII. Ferre non poterant Episcopi Galliarum episcopatus in palatio dari Regis imperio, freati cleri & populi electione. Quid ab iis decretum in synodis, quidve recepimus.

XVIII.

XVIII. Occasione conventionum, electione palatina vel necessariis remedio Reges uebantur ad Ecclesie quietem, quod probatur variis exemplis. Libertas electionis concessa est Ecclesia Ambianensi anno sexcentesimo octuagessimo.

I. **N**VNC inspiciendum nobis restat quam rationem in electionibus fecuti sint Galliarum Episcopi. Quod satis liquere puto ex superius adductis Pontificum testimonii, quae novam illam formam apud Gallias quoque ex eorum decretis vixisse ostendunt.

Enimvero ne in totum ab electionis negotio deciderent Episcopi, constituit Concilium Arlatense secundum canone LIV. anno quadringentesimo quinquagesimo secundo ut tres ab Episcopis nominentur, de quibus Clerici vel cives erga unum eligendi habent potestatem. Sed isthac sacrorum comitiorum partitio huc usque incognita locum non habuit. Conventum Episcoporum juxta canonem Nicænum & Carthaginem celebravit Patiens Lugdunensis: qui provincialium sacerdotum prævio partim, partim comitante collegio, accessit Cabillonum, ut munus summus aliquis antistites ordinaretur; ubi ob illa que bonum publicum semper evertunt studia privata, que quidem triumviratus accenderat competitorum, synodi presentiam necessariam judicavit. Quare consilio cum coëscopis prius clam communicato quam prodi, strepitumque despecto turbe furentis, ---- stupentibus factios, erubescientibus malis, acclamantibus bonis, reclamantibus nullis, Ioannem collegam sibi consecravere Episcopi anno quadringentesimo septuagesimo, apud Sidonium libro quarto epistola ultima. Quare mirum non est cur in electione Simplicij Bituricensis Metropolitanus, quod provincialium collegarum deficeretur numero, Agræcium, qui caput erat Senonia, aliosque Episcopos ad eam ordinationem Sidonius invitab lib. VII. epistola quinta. Vnde patet ex recentiore forma non fuisse omnino abolitam veterem.

II. Cererum Episcopi Gallicani formam illam novam ex præscripto Romanæ Ecclesiæ induxtam sic suscepérunt ut disserim quoque admirerent inter electionem Metropolitanus & ceterorum Episcoporum. Recitanda sunt verba Concilij Aurelianensis tertij habiti anno DXXXVIII. can. IIII. quæ hujus rei plenam fidem faciunt: *Ipsæ Metropolitanus à comprovincialibus Episcopis, sicut decreta sedis apostolica continent, cum consensu cleri vel civium eligatur: quia equum est, sicut ipsa sedes apostolica dixit, ut qui prepwendus est omnibus, ab omnibus eligatur. De comprovincialibus vero ordinandis cum consensu*

Tom. II.

Metropolitanus, cleri & civium, juxta priorum canonum statuta, electio & voluntas requiratur.

Eandem formam dederat pro Metropolitanis electione Concilium Aurelianense secundum anno quingentesimo trigesimo tertio can. V. Et eodem modo decreverat pro Episcoporum provinciae electione Arvernense primum anno quingentesimo trigesimo quinto can. I. quod confirmatum fuit anno quingentesimo quadragesimo nono in Concilio Aurelianensi quinto can. II. in Concilio Parisiensi tertio anno quingentesimo quadragesimo septimo can. V. In Parisiensi quinto anno sexcentesimo decimo quinto can. I.

III. Hoc autem loco præcipue illud observandum est, quod maximè ad harum dissertationum institutum pertinet, jus novum à canonibus Gallicanis collatum fuisse Regibus, nempe ut eorum voluntas, assensus, & approbatio requiretur ad electionem Episcopi. Quæ quidem indulgentia non omnino abhorrebat à veterum regularum sensu, si discriminis observaretur inter potentiam & præsidium. Vetus quippe per canonem XXXI. apostolicum ne quis per seculi potestates Ecclesiam obtineat, εἰ γένης διωκτίας, ut loquitur Iohannes Scholasticus. Adversatur enim canoni ecclesiastico si quis Episcopus è palatio mittatur militibus stipatus ad cives invitos, ut notat Julius primus apud Athanasium. Sed si cleri & plebis electio foveatur quoque Principis consentientis præsidio, rebellium & seditionis conatus compescuntur. Ex illa sententia profectum quod in mandato synodi Chalcedonensis, quo eis nota facit depositionem Diocori, additur Episcopum Alexandriae ordinandum nutu Principis: *Custodite res ecclesiasticas universas, tanquam qui reddituri estis rationem ei qui secundum Dei voluntatem & nutum piissimum Imperatorum nostrorum Alexandrine Ecclesiæ ordinandus es Episcopus, vel manu βασιλεως. Etenim cum populi consensus, ordinis, & honoratorum necessarius esset ut Clericorum electio robur haberet, existimarent Episcopi Gallicani Principi quoque simile jus concedi posse in universis quæ in regno fierent electionibus; quoniam Princeps erat populorum totius regni caput. quam rationem urget Ivo Carnotensis in quadam epistola.*

IV. Illud quoque Episcoporum libertati in administratione Ecclesiæ profuturum putarunt, cum Regis consensu promotus expectare debeat faciliorem & procliviorem publicam tuitionem. Imò vero ipsius quoque electionis negotium, quod potentium patrocinia perturbabant, (nr docet Concilium Arvernense can. II. anno DXXXV.) libe-

DDD

rius futurum videbatur. Adde quod ipsa quoque Regum munificentia in dandis Ecclesiis agris, ut factum à Clodoveo testatur synodus Aurelianensis prima canone quinto, & concedendis immunitatibus, exigebat istam ab Episcopis grati animi significacionem.

Neque dissimulanda est potior, ut mihi videtur, ratio, tum apud Reges, ut illud beneficium per canonum interpretationem expolcerent, tum apud Episcopos, ut illud sponte largirentur. Adhibitis quippe in Regum consilia & regni cum reliquis proceribus administrationem Episcopis, juxta monitum quod Remigius Episcopus dederat Clodoveo Regi, aequum erat ut invito & repugnante Principe non assumerentur ad eam dignitatem aut incogniti aut suspecti, sed potius qui essent illi & vita meritis, prudenter, ac fide undecunque probati; præcipue cum ex ministerio sibi commissio magnam in populos sibi subditos auctoritatem consequantur.

V. Aurelianense Concilium quintum habitum anno quingentesimo quadragesimo nono hanc Regibus auctoritatem tribuit canone decimo, ut in eligendo Episcopo, post clericac populi decretum, eorum voluntas expectaretur: *Vt nulli episcopatum premiis aut comparatione licet adipisci. Sed cum voluntate Regis, juxta electionem cleri ac plebis, sicut in antiquis canonibus tenetur scriptum, à Metropolitano, vel quem in vice sua premiserit, cum provincialibus Pontifex consecretur.* Confirmatum hoc canone jus istud dici potest potius quam institutum, si fides adhibenda narrationi Fortunati Pictaviensis & Gregorii Turonensis, qui Reges Francorum hac potestate usos disertè testantur ante annum quingentesimum quadragesimum nonum. Ille quidem in vita sancti Medardi anno DXX. *Praeterea, inquit, non sine multo fletu Episcopi sui exequiis, Regis & optimatum assensu sanctissimum sacerdotem Medardum plebs omnis illa Vermandensis & omnes ejusdem provincie adjacentes Episcopum sibi unanimiter acclamabat consecrari.* Gregorius vero in vita patrum cap. xvii. de Nicetio, ait à Rege Theodosio accessit anno DXXVI. ut Treverica urbis Episcopus ordinaretur. *Dato autem consensu populi, & decreto Regis, inquit, ad ordinandum adducebatur.*

VI. Si quis inquirere velit penitus an ipsi Reges auctores fuerint hujuscem consuetudinis, aut eam aliunde hauserint, dici potest Romanorum Principum exempla præcessisse: qui quidem non passim & in omnibus Ecclesiis, sed in Constantinopolitana præcipue, aliiisque insignioribus aliquando, ad vitandam

tumultuum occasionem, electionum sumam ad se revocarunt. Quod autem fit aliquando, & ob causas speciales, trahi non debet in consequentiam, nec vim legis aut juris quæstii obtinere. Eo consilio, varias in partes distractis Episcoporum studiis, Theodosius senior, ut tranquillitati Ecclesiæ Constantinopolitanæ consuleret, quam perturbaverant Gregorij & Maximi ordinationes, Necarium elegit, ita tamen ut synodi Constantinopolitanæ & plebis consensus statim accederet, teste Sozomeno lib. vii. cap. viii. & Socrate lib. v. cap. viii. Eandem ob causam ἀλλοτριοῦ νεκροῦ διάδημα (ut loquitur Socrates lib. viii. cap. xxix.) post Sisinnij obitum, Nestorium ex Antiochia à se accitum Theodosius secundus, malis licet auspiciis, ad sedem Constantinopolitanam evexit. Idem quoque Princeps, post obitum Maximiani Constantinopolitanus, antequam corpus illius sepultura daretur, mandavit Episcopis præsentibus ut Proclum constituerent; οὐθεποιατὸς Πρόβλων ἐπέτειον, inquit Socrates lib. vii. cap. xxxix. Sed facti hujus rationem subjugit, ne rursus de electione, ut nuper acciderat, seditiones excitatae Ecclesiam illam concurent: *ίνα μη πάλιν τοι εἰσπλούσθιοκτών ζήτησον οὐ, γεγονόν την συλλογὰ υπῆρχαται.*

VII. Religiosius se gestit Arcadius Imperator: qui per Nectarij obitum vacanti Ecclesiæ Constantinopolitanæ cùm cleris ac populus Ioannem Chrysostomum, licet ab ea extraneum, utpote Antiochiae Presbyterum, prefici postularet, eorum desideriis consensit, teste Sozomeno: *Ιψισαμέναν δὲ τέτοιον καὶ ξαλίρι, καὶ οὐ βασιλεὺς συνέστη, καὶ τοὺς δέξιας αὐτὸν πεποιηφε: Cum populus ac cleris hoc censerent, Imperator consensit, misericorde qui eum adducerent. Vbi est manifestum regij assensu exemplū dati post electionem cleri ac populi.*

VIII. Aliquando autem conjungebantur duo illi actus, & eodem tempore desiderium Principis & Ecclesiæ ad electionem agendum concurrebat. Cujus quidem consensionis mutua duo supersunt exempla clarissima. Primi testimonium locuples habetur inter epistolas Hormisdæ Papæ ad quem Epiphanius Constantinopolitanus scribit de electione sua anno quingentesimo vigesimo his verbis: *Post obitum Ioannis sedem sacerdotalem sancte Ecclesiæ catholice regie urbis Deus mihi conferre dignatus est, sententia & electione Christianissimi & iustissimi Principis nostri Iustini & piissime Regine, quæ ei ad omne studium communicar divinum, sequentiumque eorum, his quibus bona est conversatio, & qui regiis honoribus sunt sublimiores, simul & sacerdotum, & monachorum, & fidelissima plebis consensus accessit.*

Alterum exemplum suppeditat epistola

*Remig. in epist. ad
Clodoveani: Sa-
cerdotibus suis
honorem debet
dare, & ad con-
tra consilia seu
persecutiones.*

*Vide finit. lib. vii.
cap. xi.*

& Imperij Lib. VIII. Cap. IX. 395

Agapeti Papae ad Hierosolymorum Episcopum, qui ait post depositionem Anthimi consecratum à se Menam in sede Constantinopolitana. *Cui simul atque serenissimorum Imperatorum, inquit, preter ceteros electio facta est, ut meritò ab omnibus electus viuis fuerit:*

*Ἅπνι καὶ τόπος λοιπὸς τῶν γαλιωτῶν
Ζεστέαν εἰπεῖται οὐκέτι εἰποῦν, ὅμως τοσούτη
τη δὲ καλύτερη πάρτος καὶ διῆμος συνενοί-
ωσασθέντο, ἀπὸ ταῦτα εἴκετα οὐπλεγματι-
τοσθαντα.*

X. Sed nihil est quod Gallicanorum Episcoporum animos ad sanciendam Regibus auctoritatem de expectando in electionibus eorum assensu vehementius inclinare potuerit quam Romanae Ecclesiae exemplum. Pulsis enim per Narsetem ex Italia Gotthis, cum Roma vetus iterum Imperio adjuncta fuisset temporibus Vigilij, ejusque, ut putatur, conniventia, constitutum fuit à Iustiniano, qui exemplum in eo sequebatur Theodorici Italiae Regis, ut electus à clero non ante ab Episcopis ordinari posset quam ejus electio ab Imperatore Constantinopolitano confirmata fuisset; ut docet Onuphrius Panuinius. Vnde postea Gregorius magnus, ut se onere regendæ Ecclesiae liberaret, scripta epistola ab Imperatore Mauricio petivit ne electioni assentiretur.

Quod observavit ante Ioannem Diaconum & Aimoinum Gregorius Turonensis: Scripterat Mauricio Imperatori, conjurans ne unquam consensum praestaret populis. Mox: Data preceptione ipsum jussit institui.

X. Constantinus quidem Pogonatus, post Concilium sextum, indulxit petitionibus Ioannis Episcopi Portuensis ut libera esset Ecclesia Romana à solutione quantitatis que solvenda erat pro confirmatione Pontificis Romanii; sed confirmationis necessitas tunc non est sublata. Quin potius additum fuit illi divali iussioni, teste Anastasio, quod non debet ordinari qui electus fuerit, nisi prius decretum generale introducatur in regiam urbem, secundum antiquam consuetudinem; et cum eorum conscientia & iussione debet ordinatio provenire. Idem Princeps postea concessit, Benedicto secundo petente, ut absque mora post electionem fieret ordinatio Pontificis. Quod locum habuit in electione Ioannis quinti. Sed successoris Cononis electio missa fuit ad Theodorum Exarchum, ut mos est, inquit Anastasius. Vnde inferri potest liberatos fuisse Romanos ab onere mittendi decreti Constantinopolim, sed obnoxios fuisse Exarchorum examini, donec ipsi tandem Exarchi defecere.

Tom. II.

XI. Sanè Reges Francorum jure illo usi sunt cum bona Episcoporum & populi gratia. Editus fuerat Aurelianensis ille canon anno quingentesimo quadragesimo nono. Anno sequenti Nicetus pleno Regis & populi suffragio Episcopus Lugdunensis ordinatus est, ut loquitur Gregorius Turonensis in vita patrum capite octavo. Quam verò rationem sequentur in elicendo Regis consensu docet formula septima apud Marculfum. Fiebat decretum electionis à clero & à populo, eligentium manibus subscriptum, quod per legatos mittebatur ad Regem à corpore civitatis; quod à Marculfo commune vocatur, ut apud Lurisconsultos τὸ κοντάριον. Adjungebant libellum supplicem, cuius verba concepta referuntur in formula: *Ne desistunt sint oves decedente pastore, in loco eiusdem suppliciter postulamus ut instituere dignemini illustrem virum illum.* Decretum illud, consensus civium vocabatur; cuius plerunque rationem habebant Principes, ut patet ex Gregorio Turonensi lib. IIII. cap. II. de Quintiano à Gotthis ejecto à civitate Ruthena, dein ab Arvernis electo anno DXXVI. quem jussit Rex Theodosius ibi constitui. Ait idem auctor lib. IV. cap. XV. *Turonici audientes regressum fuisse Regem Clotarium de cede Saxonum, factō consensu in Euphronium Presbyterum, ad eum pergunt. Mox: Et data preceptione Euphronius ordinatur Episcopus.* Hujus Praecepti formula habetur apud Sirmundum in appendice tomi secundi Conciliorum; ubi hæc sunt verba: *Cum consilio & voluntate Pontificum procurumque nostrorum, justa voluntatem & consensum cleri & plebi ipsius civitatis, in supradicta urbe pontificalem in Dei nomine vobis commissimus dignitatem.*

XII. Sed aliquando electum à populo Principes respuebant; ut patet ex Gregorio Turonensi lib. V. IIII. cap. XXIII. de Valdone qui Episcopatum Burdegensem petebat: *Cum munieribus & consensu civium ad Regem properat; sed nihil obtinuit. Tunc Rex data preceptione jussit Gundegisatum Santonicum Comitem, cognomento Dodonem, Episcopum ordinari. gestumque est ita.*

XIII. Quare cum pro innata rerum humanarum conditione supremæ auctoritatis arbitrium suis limitibus difficillimè contineri possit, Reges aliquando assensum vertebant in merum imperium, & sublata à clero & à populo electionum libertate, rescriptis suis episcopatus concedebant, etiam invitis & repugnantibus populis, adversus decreta sedis apostolicæ. Siglatum & acceptum clero & plebi designarent, ut fecerat de Mena Iustinianus, inversus quidem erat.

D D d ij

canonicus ordo, sed non eversus. Quare nullus desiderio Principis refragabatur. Ejus ordinis exemplum insigne apud Gregorium Turonensem lib. v. i. cap. xxxi x. de Sulpirio, quem reliquis competitoribus Rex Guntramnus prætulit: *Sulpitius in ipsa urbe Biturigum ad sacerdotium Guntramno Rege faveente preelegitur.* Nam cùm multi munera offerrent, hec Rex episcopatum querentibus respondisse fertur: *Non est principatus nostri consuetudo sacerdotium venumdare sub pretio, sed nec vestrum cum premis comparare; ne & nos turpis lucri infamia notemur, & vos mago Simonis comparemini.* Sed iuxta Dei prescientiam Sulpius vobis erit Episcopus. Ex eodem auctore didicimus Ruthenum episcopatum vacantem obitu Dalmatij, (qui Regem tabulis testamenti adjurabat ne personam ab ea Ecclesia extraneam præficeret) cùm multi eum sibi conferri peterent, Theodosio Archidiacono illius Ecclesiae à Rege donatum, post relectum Dalmatij testamentum in presencia Childeberti Regis ac procerum ejus. Quando Turonicae urbis cives ad Catonem Presbyterum Ecclesiae Arvernae accesserunt ut ejus consensum poscerent pro Turonensi episcopatu, ille tumido animo hanc gratiam respuit. Cui cives dixerunt: *Non enim te nostra voluntate expetivimus, sed Regis preceptione.* Quare cùm postea à Turonicis pateretur Euphronius, respondit Rex: *Precepeream ut Cato Presbyter illuc ordinaretur. Et car est spes jussio nostra? Responderunt ei: Petivimus eum, sed noluit venire.*

Enimvero intra modum illum Principes, peritorum molestiis oppressi, se non continebant; sed à se solis electum ab aliis ordinari præcipiebant quám à Metropolitanu proprio & à provinciæ Episcopis, quod erat canonibus Nicæni & Romanorum Pontificum decretis & canonibus Gallicanis omnino contrarium. Quod acciderat in Cautione jussu Regis Theodebaldi ad Arvernae civitatis episcopatum electo, & à convocatis sacerdotibus apud Metensem civitatem ordinato; ut tefis est Gregorius Turonensis lib. v. cap. vii. Ideo Concilium Parisiense tertium anno d. l. vii. can. viii. cavit ut libera relinqueretur electio, nec Principis imperio violaretur; vetitis etiam provincialibus Episcopis ne per regiam ordinationem electum, & ab aliis ordinatum, admitterent. Nullus, inquit, *civibus invitis ordinetur Episcopus, nisi quem populi & Clericorum electio plenissima questurit voluntate; non Principis imperio, neque per quamlibet conditionem, contra metropolis voluntatem vel Episcoporum provincialium ingeratur.* Quod si per ordinationem regiam honoris istius culmen per-

vadere aliquis nimia temeritate presumperit, à comprovincialibus loci ipsius Episcopus recipi nullatenus mereatur quem indebet ordinatum agnoscent. De antea tis autem ordinationibus Metropolitanus jubetur decernere cum Episcopis provincialibus, juxta antiqua statuta canonum.

XIV. Attamen hujus constitutionis rationem non habuit Rex Clotarius, qui Emerium Ecclesiae Santonicæ præfecit; cavique decreto suo ut absque Metropolitanu consilio benediceretur, qui non erat praesens, scilicet in commitatu, teste Gregorio Turonensem lib. iv. cap. xxvi. qui hæc addit. Apud urbem Santonicam Leontius Burdegalensis, congregatis provincie sue Episcopis, Emerium ab episcopatu depulit, afferens non canonice fuisse hoc honore donatum. Ceterum Episcopi Heraclium Presbyterum Burdegalem elegere, consensumque suum ad Regem direxerunt, ut ejus judicio probaretur. Nitebatur Lontius auctoritate Concilij Parisiensis, quod ordinacionum adversus canones actarum discussiōnem & judicium synodo provinciæ commiserat. Verum Rex Charibertus injuriam sibi fieri caussatus, quod se inconsulto Episcopum à patre suo Clotario delectum & admissum expulisset, Emerium sedi sua restituit. & ab Episcopis mulctam exigit anno circiter quingentesimo sexagesimo tertio.

XV. Postea variè se habuit negotium istud electionum; quæ, præmissa cleri & populi electione, & decreto regio subsecuto, siebant; ut docent promotiones circiter annum sexcentesimum factæ Bertharij ad Ecclesiam Carnotensem, Gaugerici ad Cameracensem, Licinij ad Andegavensem, & Lupi ad Senonensem; ut patet ex auctoribus qui vitas illorum scripsere. Quandoque vero electiones siebant ex mero Principis imperio. Hanc labem canonum reficere conabantur Concilium Parisiense quintum habatum anno d. c. x. die xv. Kal. Novembris. Quippe canone primo aliquid ex antiquo jure repetivit, ut pondus aliquid adderet electionibus; quas fieri constituit à Metropolitanu, cum consensu cleri atque ciuium, & ab eodem ordinationem fieri cum Episcopis provinciæ; vetatque ne quis per potestatem subrepatur. Eadem illa die Rex Clotarius condidit edictum generale, habito Pontificum & optimatum confilio qui huic synodo intererant, pro confirmatione canonum: *Quicunque hanc deliberationem, quam cum Pontificibus vel tam magnis viris optimatibus aut fidelibus nostris in syndicali Concilio instituimus, temerare presumperit &c.*

Itaque refert magnopere ut sciatur quid

de primo illo canone constituerit. Ac primò quidem Metropolitano ac provincialibus ordinationem reliquit; secundò, clero ac populo electionem; tertio, Principi approbationem elekti. Quæ quidem juxta canonis Aurelianensis præscriptum rectè decrevit; nec interim probavit jus illud ex vetere novum, quod Metropolitano electionem tribuebat cum consensu cleri ac populi. Sed quod ultimum adjecit, canonicae libertati ut detrahebat, ita majestatis regiæ dignitatem augebat permaxime. Quippe regiam electionem, quæ sola conuentudine nitebatur, jure constituto munivit ex Pontificum & procerum assensu. Quare cùm Episcopi duplē personam sustinerent, solum in synodis canones vetustos sequi se profitebantur, eosque renovabant; sed in Principis Consistorio *inconspicuūs*, sive per dispensationem, regiæ voluntati non relubabantur, in iis scilicet quæ fidei contraria non essent, licet aduersa exactæ canonum observationi reperirentur; quamvis interim Reges officij sui admonerent, ne jus derelictum videretur; exemplo Gregorij magni, qui similem regulam sequebatur in variis negotiis, ut ejus epistolæ docent. Hæc sunt edicti verba: *Definitionis nostra est, ut canonum statuta in omnibus conserventur, & quod per tempora ex hoc pretermissum est, vel dehinc perpetualiter observetur. Ita ut Episcopo decedente, in loco ipsius, qui à Metropolitano ordinari debet cum provincialibus, à clero & populo elegatur; & si persona condigna fuerit, per ordinationem Principis ordinetur. Vel certè si de palatio eligitur, per meritum persone & doctrina ordinetur. Clausulae ultimæ sententia hæc est, ab electione cleri & populi excipi viros eximios, qui in palatinis obsequiis, lateri Principis adhærentes, hanc gratiam promeriti essent, ut ex Lupo Ferrariensi & alius testimonis inferiis probabimus. Quamvis intra hos limites non continuerit sese regia potestas.*

XVI. Qua verò ratione fieri solerent electiones in palatio, seu decreta regia, docent Preceptum de episcopatu & Indiculus apud Marculfum formula quinta & sexta. Ecclesia quippe vacante, qui præficiendus est Episcopus, non solum Regis arbitrio designatur, sed eligitur in palatio ab Episcopis & proceribus qui lateri Principis adfident, ac si cleri & populi vices in se sufficiissent. Decretum verò Principis ad Metropolitanum dirigitur, ut eum una cum Episcopis provincie ordinet; prævio scilicet examine canonico. Hoc ultimum conservat ordinem canonum in articulo necessario confirmationis. Eleccióne verò, quæ tunc nullum

jus electo acquirebat, supplebatur per Episcopos & proceres palatinos; decretumque regium erat vice nominationis hodiernæ, ad proprium Metropolitanum directum.

Subjiciemus verba formulæ sextæ, quæ brevior est quinta: *Domino sancto, sedis apostolice dignitate colendo in Christo patri illi Episcopo ille Rex. Credimus jam ad vestram reverentiam pervenisse sancta recordationis urbis illius antistitem evocatione divina de presentis seculi luce migrasse. De cuius successore, sollicitudine integra, cum Pontificibus vel primatibus populi nostri praetextantes, decrevimus inlustri viro illi, aut venerabili viro illi, ad prefatam urbem pontificalem regulariter Christo auspice committere dignitatem. Et ideo salutarium iura digna debita honore solventes, permis ut cùm ad vos pervenerit, ipsum, ut ordo postulat, benedici vestra sanctitas non moretur, & iunctis vobis cum vestris provincialibus, ipsum in supra scripta urbe consecrare Christo auspice debeatis. Agat ergo almitas vestra ut & nostra voluntatem devotionis incunctanter beatis implere, & tam vos quam ipse pro stabilitate regni nostri jugi invigilatione plenus exortis. Ex hujus formulæ verbis addiscimus quam Reges adhibebant obseruantiam erga Episcopos in rescriptis suis, de qua nudius tertius disputatum fuit, quique esset in regio Consistorio confessus ordo inter Episcopos & proceres, ut loquitur formula quinta, sive primates populi nostri, ut loquitur sexta. Demum ostenditur persuasissime sibi palatinos regiam illam designationem fieri regulariter, id est, juxta regulas canonicas; quoniam electio fiebat in palatio ab Episcopis & à primatibus populi, & de persona quæ per canones promoveri poterat.*

Sed illud perpetuum non fuit ut in palatio prima fieret electio. Sæpe cleri & populi desideria expectata sunt, quæ assensu regio perficiebantur. Sic Aufregis filius obtinuit anno D C X X I. Ecclesiam Bituricensem, omnium unanimi consensu, Rege quoque annuente, teste auctore vita illius. Eadem ratione Arnulfus episcopatum Merensem adeptus est anno sexcentesimo vigesimo tertio. Sic Audomarus à Dagoberto Rege & ab omni populo electus est ad Tarvanensem Ecclesiam. Et populi voto, ac Regis consensu, Sulpitius consecutus est Eccleiam Bituricensem circiter annum sexcentesimum trigesimum.

XVII. Attamen quoniam in palatio quoque, spreta cleri & populi electione, episcopatus decernebantur Regis imperio, Remense Concilium habitum anno D C X X X . duo sancivit. Alterum, ut capitula canonum Parisiensis superioris synodi, quam generalem vocat, custodiantur. Alterum, ut Clo-

tarij Regis edictum dominicum observetur. Sed statim addupt in ultimo canone ut electiones Episcoporum fiant universali totius populi voto & provincialium assensu, & ut indigenæ loci elegantur. Scilicet, ut antea dicebamus, testantur de servandis canonibus; ut ne illis nocere posset aliquando quod ex jure sibi reservato Reges electio-nes quandoque agebant in palatio. Eadem mente Concilium Cabilonense habitum anno DCL. decrevit canone decimo a comprovincialibus, clero, & civibus suis electionem Episcopi faciendam. Ut antiquissima illa forma synodi Nicæna exactè restitueretur, non soli Metropolitano, ut constitutum in synodo Parisensi, sed etiam provincialibus Episcopis cum clero & populo electionem tribuit, ut fecerat Rementis Concilium. Sanè Conciliorum repetita sollicitudo non fuit omnino inutilis. Conjunctionis enim cleri & populi studiis cum Regis desiderio, digni sacerdotio viri eligebantur. Sic in Modoaldo Treverensi Ecclesia præficiendo Rex & Dux ille equissimus Pipinus, alii-que optimates, clerus & populus concurrisse dicuntur in Modoaldi vita. Eligium Noviomensis Ecclesia & Audoënum Rotomagen-sis eodem electionis genere acceperunt anno sexcentesimo quadragesimo sexto. De Audoëno hæc verba usurpat auctor illius vita: Illum enim solum ea sède dignum tam Rex quam proceres itemque cleris & populus testabantur. Nec omittendus insignis locus quilegitur in vita Theodardi: in quo, juxta Cabilonensis Concilij decretum, Episcoporum provincialium electio cum Regis electione conjungitur, non omisso cleri & populi consensu: Paris consensu Ecclesia & palati, & unani-mi applausu cleri & populi, Theodardus electus, & à Cuniberto Episcopo in Episcopum consecratus, præedit Ecclesia Trajectensi, scilicet anno sexcentesimo quinquagesimo quarto. De Farone in episcopatum Meldensem promovendo circiter annum DCLX. haec habentur in ejus vita: A viris religiosissimis hujus provincie missa est suggestio de eo ad Regem Clotarium, ut suo assensu praberet constituendum Pontificem in populo. Qui gratulatio-ne digna ex hoc valde placidus, non solum confessioni animum inclinavit, sed etiam fieri sine scrupulostate ultra adjudicavit. Confessum scilicet civium Præcepto dato firmavit.

XVIII. Quandoque vero contentio-num subortarum occasione Reges, necessario veluti remedio, ad Ecclesiæ quietem electione sua palatina utebantur. Quod probatur disertè ex auctore antiquo vita Leo-degarij. Incubuit, inquit, causa necessitatis ut

in Auguslodunensi urbe Leodegarium ordinare deberent Episcopum. Siquidem nuper inter duos contentio de eodem episcopatu exorta fuerat, & usque ad sanguinis effusionem certatum. Cumque unus ibidem occubuisse in morte, & alter pro perpetrato scelere datus fuisset in exilijs tritionem, tunc Bathildis Regina, que cum Clo-thario filio Francorum regebat palatium, divi-no, ut credimus, inspirata consilio, ad memoratam urbem hunc direxit virum, ut ibidem esset Episcopus. Circa idem tempus, id est, anno sexcentesimo sexagesimo quarto, opti-mates & rectores palati consilium dederunt Childerico Regi ut Landebertum præficeret Ecclesiæ Trajectensi: cui Regis imperio plebs omni consensu, inquit auctor vita. Id tamen non impediens quin alibi eodem anno libera electio, ab Episcopis & populis facta, locum haberet ante Regis assensum, ut patet ex auctore vita Amati: Senecio Se-nonen-sium Episcopo è vita substrato, ab Episcopis & populis sanctus Amatus eligitur. Præ-jectus urbis Arverna fit Episcopus decreto Regis populi petitionibus annuente anno sex-centesimo septuagesimo. Defuncto Audoëno anno sexcentesimo septuagesimo sexto, cun-cti Rothomagensis urbis cives missa petitione ad Theodoricum Regem, cum ejus permisso & au-toritate beatum Ansbertum sibi elegerunt con-secari antisitem. Mox: Tunc eligentibus ci-vibus prefate urbis metropoleos, cum unanimi voto sanctorum Sacerdotum, Regis, & Princi-pum, eligitur, trahitur, atque in palatio à sancto Lambertu Episcopo sedis Lugdunensis aliisque sanctis Presulibus, qui ad hoc placi-tum convenerant, in Pontificem consecratur Ec-clesia Rothomagensis. Hæc omnia gesta sunt juxta præscriptum Concilij Aurelianensis. Sed Lamberti illius Lugdunensis electio fa-fa fuerat paucis annis antea juxta edictum Clotarij Regis; ut colligitur ex eodem au-tore vita Ansberti: Defuncto sancto Genesio ejusdem urbis Lugdunensis Presule, illico prius Rex Theodoricus & inclitus Princeps Pippi-nus cum proceribus palati salubre agentes consilium, divina utique providente iussione, in prefata urbe cum unanimi ejusdem regionis populi voto Lansberium constituerunt antisitem.

Rursus libertas electionis conceditur an-no DCLXX. Ecclesiæ Ambianensi. Audiens, inquit auctor vita Salvij, Theodoricus Rex Francorum sanctorum Honoratum migrasse Episcopum à seculo, legatos suos direxit ad ur-bem Ambianicam, sanctum scilicet Antigarium Noviomensis Ecclesiæ Pontificem, ei intimans ut urbani dignum Deo sibi que salutiferum elige-rent Episcopum.